



17345

kat.komp

I

Mag. St. Dr.

P

*Rogationi Zachariae: Mnemosynon en-*  
*comiasticon in funus Ill. ac Magni D.*  
*D. Jacobi a Gawroni Pretficii et*

*Crac. in off. Simon. Kempinii*  
*1613.*

PANEG. et VITAE

Polon. 4<sup>o</sup>

Nr. 735.



M

I  
F



MNEMOSYNON

ENCOMIASTICON

IN FVNVS

ILLVSTRIS AC MAGNI

FICI DOMINI D. IACOBI A

Gawroni PRETFICII, Pala-

tini Podoliae, Trebowlensis

&c. Capitanei, Haeredis in Sarauca &c.

ZACHARIA ROGALICIO *Artium lib:*

*Magistro, & Phil: Doctore, factum.*

Pridie Iduum Maij Ano D. ∞. DC. XIII.



CRACOVIAE.

In officina Simonis Kempinij. Anno

Domini, 1613.



Æternùm in omnibus viuit,  
qui bene vixit.

**P** Retficius cecidit, dolor est tibi? quis dolor anné  
Rêremori, virtus quem tulit alma sibi?  
Viuis virtutem coluit, sic viuere cœpit:  
Deseruit mundi paucula; & omnia habet.  
Omnia si Deus est: si sunt simul omnia cœlo;  
Iam Deum habet, Polum habet. Plura quid?  
Omnia habet.  
Viuerè quisquis aues, quisquis cupis omnia habere.  
Viuerè virtuti, Viuerè disce Deo.

Paulus Vchanski  
C. V.



CRACOVIAE.  
In officina Simonis Kempinski. Anno  
Domini 1813.



ILLVSTRIBVS ac GENE-  
ROSIS D.D. RAPHAELI V-  
CHANSKI à SLVZOW, & PETRO  
Dulski Raigroden. Capitaneo, D. & Pa-  
tronis obseruandis, S. & omnem  
promptitudinem dicit dicatq;






tronos aut Tutores in locum euocati sufficio, & valdè vr-  
geo, in viâ ceptâ adiutum me prouectumq; velitis. Fauete  
Viri Nobilissimi, & quem ille viuus amauit in viuis, aman-  
tem vestri & vestrorum amate, dirigite in vestrum &  
Publicum Bonum, vnâ cum memoriâ sacratâ in memoriam  
vestri amantis, leui quidem; sed vobis debita: & me qua-  
lem ostendi erga vos, & Nobile vestrum genus esse, atq; in  
auum fore seriò credite. Seriò dico, ero, non ero, vester ego  
viuus mortuusq;. Valete Viri Nobilissimi, & feliciter diu  
viuite, III. Idus Maij. Anno Domini M. DC. XIII.


**Æternus cliens**

Zacharias Rogalicius, Art: Lib:  
Magister, & Philos: Doctor.



MNE-





M N E M O S Y N O N

E N C O M I A S T I C O N

F V N E B R A L E.

Gratus sum in eius morte deco-  
randa, cui nullam ampliùs  
gratiam referre possum.



Vetum publicum ferali pompâ Viri Nobi-  
lissimi pio affectu, non more, in morte,  
magni, & perillustis *VIRI JACOBI*  
*PRETFICII* Palatini Podoliæ facimus. Quem e-  
nim viuum suspeximus, è viuis expuncti Manes me-  
moriâ prosequimur, & verè

*diuini ossa parentis*

*Condimus*

terrâ, simulq; quidquid nobis, letum aut volupe fuit  
condimus. Scilicet ille æternum est nobis, æternum  
ô Polonia tibi funus. Tu etenim Virum, consilio atq;  
In manu Principem, Senatorem vigilem, fulcrum in  
tuis rebus afflictis validum amisisti: nos alij patrem,  
alij patronum perdidimus. Vixit ille, vtinam diutiùs  
vixisset! quippe in tuo ô Patria mea discrimine, suum

B

ille



ille discrimen censuit, & in tua salute suam salutē: pro  
te non excubias modò egit; sed etiam toties laterum  
oppositus: nos verò alios vehementer amavit: alijs  
bene fecit, bene voluit. O desiderium extincti! Ha-  
buimus Pretficiū virum in quo cum priscā doctri-  
nā prisci, mores, Publici Boni, & nostri amantem, &  
amissimus: amissum libenter emeremus prece & pre-  
cio, rursusq; nostrum faceremus. Sed enim ille abiit  
vnde neminem fas redire; abiit inquam, neq; enim  
obiisse potuit, quem

*ardens euexit ad aethera virtus.*

Quia tamen abiit nos in squallore, mœrore, atq; la-  
crymis reliquit.

*Ferite palmis pectora, & planctus date.*

Reuera enim grata nunc pietas obire mentis, suadet  
officiū mœstā voce. quippe accepto tam graui vul-  
nere in tam dubiis, ac formidolosis nostræ Poloniæ  
rebus, immanem quandam duritiā reor, non flere,  
non commoueri. Cæterū quia vanus & irritus hic  
iam noster luctus; siquidem rei præteritæ is mos, vt  
infectam reddere ne Diis quidem esse in manu dica-  
tur: imò forsan & impius.

*Quidquid patimur venit ex alto;*

& ille abiit quò omnes imus; potius hunc ipsum lu-  
ctum dico, atq; dolorem gratā, & breui memoriā vir-  
tutum, ac laudum nostri Pretficij leuemus. Profe-  
ctò rerum ab ipso præclarè gestarum recordatio, &  
solatio nobis erit, & in nostra spe nos confirmabit, vt  
nempe



nempè non ablatum à nobis, sed à Deo benigno ad meliorem vitam euocatum credamus. Ego Patrone optime non dubitanter facio, & in morte tuâ decorandâ pietatem meam probo, breui quidem, & non laborato stilo, potius, quàm silentio: vos Viri Nobilissimi adfectum excipite; sed vestrum miscete, qui vidistis, qui amâstis Pretficinm, & quibus ille bene voluit, aut fecit.

Originis atq; sanguinis vim & virtutem aliquâ esse, ego censui & censeo, omnisq; sapiens mecum. Sunt namq; naturâ nobis insiti quidam ignes, & semina quibus excitamur ad splendorem maiorum, atque ipsam virtutem. Vates ab Helicone à me est:

*Nec virtus citra genus est.*

ait ille: à me sapiens Aristoteles, generosum nempe censet, qui ab origine naturâq; suâ non desciiuit. Talis Pretficius noster fuit. accepit quidem lucem à maioribus, sed ei maiorem addidit suâ pietate, & probitate. Genus illi Pretficiarum nobile & antiquum è Silesiâ oriundum, & nostri Regni, multis abhinc annis, vel præcipuum, consilio & manu fulcrum. Bernardus enim Pretficius nomine & amore Poloniæ incensus, famam apud posteritatem querens, in Poloniam venit, & lucem in eius luce inuenit. Nimirum prudens, &

*clarus Marte Togâq;.*  
manu prudentiâ, atq; consilio celeri, & salubri, Bonno Publico vsui fuit: bella pro salute eius frequenter



suscepit, & feliciter perfecit: barbarorum impetus strenuè sustinuit, atq; compressit. Rem vobis dico Viri Nobilissimi flagellum, & terror ille fuit crudorum Scytharum. nunquam enim fuit illos æquitare inultos, aut è finibus Regni prædam abigere, ipse toties ex illis prædam tulit, toties talium copias à fluuio Tyrâ & campis, Ocecauieni: & Bialogroden: pepulit, & dispulit. Nec id satis:

*In uia virtuti nulla est via.*

Barum oppidum diues & illustre Regina Bonæ sensu & assensu condidit: extremos Podoliæ fines villis exornauit, ac frequentiam hominum; atq; ita olim ferarum latibula; nunc fecit hominum domicilia: & loca inuia olim, peruia omnibus reddidit. Hercules (vt fama est) columnas hîc suas posuisse non est ausus: Bernardus sidus Pretficiorum, non iam columnas, arces ad terrorem, & incursus Turcarum Scytarumq; comprimendos erexit. Vir ille, fuit vir, & gloriam non infacili putauit, iuxta illud Poëtæ:

*Ardua per durum gloria vadit iter;*  
& ideo pulchrum censuit,

*virtutem extendere factis.*  
vtpote ad illam natus. Fuit enim naturâ fortis, & animosus: voluptates & omnia vana despiciens: pro Bono Publico atq; virtute periculis omnibus subiectus. Non hîc libet plura de ipso adferre, neq; enim possunt soli lucem addere, & Historia testis temporum, ac lux veritatis pro ipso loquitur: ad nostrum  
Iaco-



Jacobum redeo. qui tantam lucem maiorum suorum  
luci auxit, vt nihil ab eis accepisse, omnia attulisse vi-  
deatur. Nec mirum, puer enim adhuc, olim

*Grandia laturus meritorum præmia,*  
didicit virtutem ex parente,

*verumq; laborem:*

*Fortunam ex alijs.*

Prima & florida ætas ipsi, cum ingenio vernaret Mu-  
sarum fuit; summa sapientiæ, & vtramq; subitò fama  
insecuta. Nomen videlicet prius inuenit, quàm que-  
siuit; quasi auspicio quodam qualis quantusque fu-  
turus aliquando esset. Nec id difficile fuit. quamuis  
enim stemmata deessent, & longo recusasset

*Sanguine censeri pictosq; ostendere vultus*

*Maiorum.*

triplici tamen radio: Virtute, Eruditione, Dignitate,  
verè Pretficius fuit. Nunquam ignaua est aut deses vir-  
tus, semper laborum ac munerum perfunctione ad  
alta tendit, & in famâ ac gloriâ esse cupit. Vt sol in  
aurora, tenuior assurgit, & inclarescit; sic ex virtute  
& meritis nostro Pretficio fama cum æuo ipso aucta  
creuit. Videlicet adhuc iuuenem, sed iuuenem vi-  
rum ad fortia facta & ad discrimina pro patria tole-  
randa traxit,

*fax mentis honestæ*

*Gloria.*

vt Poëta ait. Et rectè. nam quid aliud in externis? Ar-  
gentum quidem & pecunia (verba Polybij vsurpabo)



est communis omnium hominum possessio; at honestum & ex eo laus, & gloria Deorum est, aut eorum qui à Diis proximi censentur. Dictum egregium. alia aliis communia: at bona & magna fama magnis conuenit. conuenit nostro, quia fortiter iuit ad honestam ambitionem & nomen: quod Annalium testimonia celebrant, & posteritati commendant. Excitabatur Themistocles è somno Miltiadæ trophæis: noster gloriâ & virtute maiorum suorum, totas noctes frequentissimè vigil & sine somno egit; sed vnâ apertè in campum & lucem prodiit, cum omnia alia virtute aut sciëntia, tum vel potissimum studio rei militaris: sapientia & doctrina: cultu religionis, atq; pietatis. Et quidem vt ab hoc vltimo lentè tenuiq; passu progrediar. Ab ipsamet ætatis suæ iuuentâ, non illi defuit labor in negotio, fortitudo, in periculis, industria in agendo, celeritas in conficiendo, consiliū in prouidendo. Te hîc apello ô Sapientissime Rex Stephane Bathoreu quid agè in nostro Iacobo vidisti, vt eum Moscouitico, & quidem maximo bello Præfectum Equitum constitueris? Credo à me stabis: id est, vidisti adolescentis adhuc virtutem, efferentem se, & foras emicantem, admiratusquè adactum sacramento militari in militem, in militum potiùs ducem inaugurasti. Tanta quippe, in eo virtus militaris extitit vno, quanta in multis aut omnibus aliis, quos aut vidimus, aut audiuius.

*Neg te Phœbi cortina fefellit.*

aut



aut potius sagax ingenium & subtile iudicium tuum.  
Miles ille fuit, & dux militarium cohortium.

*Moschos feroces*

*Fudit eques metuendus hasta*

*Vitamq; sub dio, & trepidis tulit*

*In rebus;*

sensit inquam horrida Moschouia ipsius vires validas  
& ingenium in omnia velox & potens: sensit & im-  
manis Scythia acriter ab illo profligatus. Cum enim  
Torobum atque Rastauiczam ita obsessam teneret,  
vt vix illorum seruandorum spes iam amplius vlla  
superesset, generosus ille animus palam se in discrimen  
dedit, & largo sanguine hostium, repleuit campos.  
Sed etiam Piatcouia sensit, imò tota ipsa Voli-  
hinia à qua plurimas, omnia prædantium militum  
(Cosacos vocant) turmas fudit, & interneccione ce-  
cidit. Quid multis? nulla expeditio fuit sine ipso, &  
in qua non egregiam operam Reipublicæ nauauerit:  
in qua non ita se gesserit, vt semper inter paucos sin-  
gularis ipsius virtus enituerit. Primus semper in acie  
fuit omnem aspernatus fugam, incitus illo effato ex  
adyto Liuiano: Pulchrior est miles in prælio cæsus,  
quàm in fuga saluus: & tamen semper illæsus. Qui  
per virtutē peritat non interit ait Plautus. Talis no-  
stet quia nunquam imitatus modernū militem, qui  
similis Harpyiarum omnia igni, ferro, rapinis, præ-  
datur, & omnem fermè succum, & sanguinem è vi-  
sceribus patriæ suæ exugit. Miles ille fuit verus,  
non



non Martis duntaxat; sed etiam Mineruæ in omni ætate sui æui, quia calidè & intentè habuit Musas. Vidi ipsemet paucis abhinc annis venerationis plenissimū senem, & nunquam vidi tam indefessum ingenium, & laboris huius Musici, aut appetens magis, aut ferens: semper ille in libris, chartis; noctu, diu; assiduus, & accubus. Sciuit sanè illud Lyrici Vatis,

*Dignum laude virum Musa vetat mori.*

Sed etiam vidit à bonis Musis omnem felicitatē Reipublicæ oriri, & nullam in qua ex non vigeant flores absolute posse. Videlicet ab his non solum bene dicendi; sed etiam bene viuendi, & Boni Publici gubernandi via est. Etenim excitant in animis nostris igniculos gloriæ: splendorem virtutis docent: vitij deformitatem edocent: omnis antiquitatis ingenia, industriam, labores, vigilias complectuntur, & cogitationes: omnium sæculorum præclara consilia, fortia facta, varios, & ancipites rerum humanarum, & Publicarum, quasi ante oculos ponunt, euentus, casus, & occasus. Palam id in nostro videre fuit, quia omnia ceu è speculâ quadam acerrimè prouidebat in usum imprimis publicum. Et quis abnuat? ad rectam illam normam virtutem dico ceu ad Helicen & Cynosuram totius vitæ curriculum direxerat; & absque ea genus suum nobile & omnem famam, vana putauit. Præclare equidem. vera enim Nobilitas stirpe virtutis nititur, & dignitas tam diu retinetur, dum in ea eluxerit splendor honesti. Scitum illud Annibalis:

Qui



Qui hostem, ferit is mihi Carthagenensis erit. Simile dico : qui vitia ferit, is mihi Nobilis erit. Fuit noster quia etiam verè & prisce virtutis amans. Mira reuera fuit in eo prudentia, in consilio & actione; incredibilis temperantia & moderatio animi; in omni vitâ, motu, vultu & cultu. Certè inter tot obsequia fortune non satis cauta est mortalitas. natura educatio, adulatio deprauant multos, at non Pretficiū nostrum, qui in omni vita constans exitit ab insolenti lætitia.

*Ardua res hæc est opibus non tradere mores.*

*Et cum tot Cræsos viceris esse Numam.*

Martialis de quodam ait : ego ad nostrū applico. nūquam ille fortune tradidit mores, caducam & fragilem sciuit; & idcirco quod maior altiorq; fuit, etiam modestior, & plura benefico illi Numini debuit. Quisquis es nisi sic facias, scito tollere posse, qui tribuit; & euertere qui sublimauit. Sublimauit nostrum Pretficiū Deus ille altus, etiam in altum dignitatis gradum. & fecit primò quidem Castellānum Camenecen: deinde Palatinum Podoliæ, non tamen euerit, quia dignus tali fortuna fuit, moderatè eam tulit, & omnia ea ad quæ stupemus, ad Deum ne sibi abstulisset, retulit. Quid ampliùs hæc memoro? Rem certè dico. ne minimū quidem à recto virtutis tramite deflexit, memor illius Alphōsi Regis Aragoniæ & Neapoleos, vt herbas quasdam ad solis motum, sic populares in Principum mores verti, integrè &



sanctè vixit. Quid comitatem, affabilitatem aut humanitatem prædicem? vos dicite qui aliquando experti, certè enim tanta erat in eo, vt neminem aut aspectu arceret, aut alloquio suo; omnium postulata libenter cognosceret: nihil denegaret iusta petentibus; & si quid negare cogeatur, semper ea lenitate vsus est, sermonis, vt quibus negabat, æquos à se placatosq; dimitteret. Iam liberalitatem eius multis, & priuatim, & publicè salutarem fuisse constat. multorum sanè ille suis opibus subleuauit inopiam: multorum fuit quasi communis parens. Reuera enim

*Extra fortunam est quicquid donatur amicis,*

*Quas dederis solas semper habebis opes.*

habet noster in plurimis, è quibus vos ô Generosi Viri Roscui & Sulcui abundè eius Magnificentiam experti, testes estis. Fuit ille multorum parens, fuit meus patronus singularis, & verè dicam pater; sed etiam pater Patriæ. Quis enim nescit eum in Podolia per plures annos Bona nostra, direxisse, defendisse, propagasse? idq; eà curâ & industriâ, & quæ propria eius laus est, prudentiâ; vt exemplum à nemine accepisse, posteris tradidisse, ab æquis peritisq; arbitris iudicetur. Etsi arbitrio aut testimonio quid opus? res vociferatur, & Podolia confusa ante, aut tenebrosa, vbi sibi illud suum lumen affulsit, mutata in melius, antiquam iam pietatem & felicitatem spondere sibi ausa est. O Regio

*Rebus opima bonis, multâ munita viri cui.*

faue-

fauemus tibi; sed vnà illud idem sidus ad nos traximus, consilium & auxilium in rebus nostris turbatis, dicam, an desperatis? ita est sanè. Cum enim homines quidam maioris animi, quàm consilij, Bonum Publicum turbarent, & struerent perniciem, tibi ô Polonia mea, tibi ô Rex prudētissime Sigismunde, instruct<sup>o</sup> milite lecto, & copioso adfuit: praua illa & nouitia opiniorū pepulit: calamitatē & cladē nō Polonię duntaxat; sed Europę monuit, docuit, persuasit. Et quidē haud difficile vis ingenij & oris adfuit: auctoritas simul & comitas: illa venerabilis, hęc amabilis; & nescio vtra efficacior ad mouendum, & trahendum: imo ista quā ille sic vsus, vt in omnium animos se insinuauerit, & gratiā impetrauerit quod non vllā re alius cogat. Scilicet post illas tempestates suo consilio magna ex parte

*disfecit nimbos, Solemq; reduxit*

*Atq; suo Zephyro spirauit mitior Auster.*

Meherclē mirum in modum patriam, & eius salutem dilexit, & nō solum

*Pulchrum ac decorum pro patria mori.*

putauit; sed quia sine morte potuit, fecit dictis & factis, Iure illud hīc vsurpem Martialis:

*Nolo virum facili redimat qui sanguine vitam,*

*Hunc volo laudari, qui sine morte, potest.*

etiam ego nolo secundā oratione diutiūs hęc attollere: & fateor oneri me non subsistere: breuis pollicitus, breuiter eius fortitudinem in prosperis & ad-



uerſis innuo: breuiter iuſtitiam in priuatis & publi-  
cis, & vel maximè pietatem & religionem. Reuera  
enim hac in re mēs illi ubiq; bona; & fuit ex illis qui-  
bus pietas magis in corde quàm ore; quiq; factis e-  
xerceri eam acriùs maluit, quàm verbis. Et hinc eſt  
quod Numen illud diuinum per verum de eo ſen-  
ſum; verum in id cultum venerationemq; aduerſus  
impuros hæreſis fœdiſſimæ Gigantes conſtanter af-  
fertum iuerit. Nam & ipſe omni modo, omni tem-  
pore, eâ viâ quâ decet, & quam lex Chriſtiana per-  
mittit, ritu & more priſco coluit, & vt alij colerent ef-  
fecit. Vis maiorem fidem? Ampliſſimam atq; orna-  
tiſſimam ædem, illi, in oppido celebri Sarauuca ex-  
truxit, magnificentiſſimeq; dotatam Viris Religi oſis  
ſub ordine & Familiâ Diui Dominici, ſub ordine in-  
quam ſacro à tot iam annis cum ſenſibus aut diſſenſi-  
bus qui ſunt ab Orco fortiter pugnante, & feliciter  
vincente dicauit, qui in ea tibi, ô æterne *DEVS* in o-  
mni æternitate, quotidie facerent laudes, & grates.  
Seriò illud cogitauit, & imbibit, nimis pium ab im-  
pio Poëta dictum:

*Dij multa neglecti dederunt*

*Hesperia mala luētuoſa;*

& ne Poloniæ noſtræ eueniſſet, cavit. Cum Religio-  
ne, omnis Reſpublica floret, aut cadit. Priſcam ve-  
ramq; ex pio ſenſu Sanctæ Matris Eccleſiæ Catholi-  
cæ Romanæ tenuit, quia ab illa vinculum eſt rerum  
& ſocietatis Publicæ: innouatam aſpernatus eſt, quia

ab hac

ab hac omnes tumultus & dissidiorum faces; imò  
magnum imperijs & sceptris periculum. Altè hoc  
imprimitè nouarum rerum noui turbatores; & vix  
in Bonum Publicum peccatis. Quicquid mali pati-  
mur per vos est. Multos quippe per speciem pietatis  
ad mutationem rerum ducitis, &

*Diespiter*

*Frequenter incesto addidit integrum.*

Caue ô Rex Sapientissime Sigismunde, caute Prin-  
cipes & Ordines Regni. nihil in speciem fallacius quã  
praua Religio, & ea varia. multas hæc Respublicas  
turbauit, & euertit, caute dico, qui saluam vultis Po-  
loniam, & eos qui in diuinis aliquid nouant, odio ha-  
bete, & coërcete. Ita semper in omni Republica bona  
factum, & fiet. Quis finis, si semel carceres hos ape-  
ritis, aut iam apertos non clauditis? nulla in re liben-  
tius aut periculosius ( vt est mens humana ) luditur,  
quã si assiduè fanaticus aliquis, aut simulator picta-  
tis moueat Chordas non mouendas. Apud omnes  
gentes tales coërciti & puniti. Græcos videte reperie-  
tis Socratem & Protagorã damnatos: Anaxagoram  
& Aristotelem accusatos ob nouitatem in Religio-  
ne. Abite ad Romanos, par cura & seueritas. Patrum  
auorumq; ait Liuius, ætate negotium Magistratibus  
datum, vt sacra externa fieri vetarent. Conijcite o-  
culos in Iudæos, ita hîc duri, vt, nec cohabitationem  
admitterent cuiusquam à Patriâ Religione dissiden-  
tis. Quid in Ecclesia nostra veteri? licentia effusa nun-



quam fuit , quàm primùm Principes & tutores illa habuit Christianos. Constantinus tibi exemplum esto , cuius leges & scita sunt in Arianos. Fuit, fuit semper coërcitio , in nouatores Religionis pro tempore, astricta magis aut remissa : pro sectâ, lenis, aut seuera. nulla apud nos in miseranda Patria nostra, negliguntur leges & pœnæ in tales à Diuis Regibus sancitæ. Omnibus effusè

*ad currendum carcer apertus,*

quot capita, tot in Religione sensus; & ideò nisi iuuatis iam labimur cum eâ, aut ruimus. Agitè per Deum immortalem, & amorem Polonia, quæ fidem vestram implorat, si tranquillitatem atq; integritatem eius saluam vultis, tollite ferro & igni instar Herculis capita renascentis Hydræ: tollite istos multiplices sensus, & vnum facite: vnâ exëplo nostri Pretificij Romanam, quæ sola vera & pura est Religionē colite, quam ille semel à maioribus acceptam integrè seruauit. Sic enim beneficium illud, & propitium Numen, amicum vobis experiemini. expertus noster Pretificius. Etenim Deus ille benignus, quem ille piè coluit, semper sibi adstitit, amicè rexit, atq; direxit; etiam externâ felicitate auxit: idest, in Collegiū sanctissimi Senatus adsciuit. O Virum tali fortunâ dignū

*Qui consulta patrum qui leges iurag.*

seruauit. verus Senator fuit, quia fidus, quia rerum hominumq; peritus salutaria suggessit pace, siue bello; & suggessit fortiter. Non enim cum fortunâ  
potius

potiùs Principis collocutus, quàm cum ipso; sed ta-  
men cum temperie. Quia non inconstantis est sen-  
tentiam tanquam aliquod nauigium è Reipub. tem-  
pestate moderari. certè verè prudens & sapiens non  
semper it vno gradu, sed vnâ viâ. Quia flexu quodam  
opus sæpe, & obliqua viâ eundum, quò non licet  
rectâ. vtinam in hac altâ, & aliâ virtute plures illi si-  
miles, qui gradu similes! semper ille inquieti obuiâ  
iuit, & in quiete, aut subductione aliorum, manum  
periclitanti Reipub. porrexerit. Omnino, in ipso illo  
Poloniæ confinio tanquam in quadam arce & pro-  
pugnaculo Vir fortissimus ad sustinendam & pro-  
pulsandam barbarorum immanitatem, atq; etiam ad  
agendas pro nobis omnibus excubias, fuit constitu-  
tus. Sed agite Viri Nobilissimi, siccinè effusus pro-  
perem? Desino. quia & eloquio deficio, & vobis pro-  
solatio renouo dolorem; renouo etiam mihi.

*Multis ille quidem flebilis occidit,*

*Nulli flebilior quàm tibi,*

ô Polonia. quàm nobis. Amisimus enim Virum ma-  
gnum: amisimus amatorem & propugnatorem,  
quasi quoddam tutelare Numen Poloniæ, nostrique:  
Pretficium illustrem, vt Numam aliquem, aut Ly-  
curgum sacris humanisq; rebus: pacis belliq; artibus  
mixtum, ac idoneum, & omnia feliciter atq; indu-  
striè obeuntem, amisimus. O dolor, ô lachrymæ, ade-  
ste: voluptas, & lætitia abeste. Superstite tanto Viro  
vita nobis fuit iucunda: nunc contra grauis. Tan-  
tumné



tumné ô mors efferata tibi iuris datum? Quid? an-  
non alia vberima tibi fuit seges; & quidē inutilis re-  
gno, inutilis nobis? At paulisper tecum sint induciæ.

*Tibi crescit omne*

*Et quod occasus videt, & quod ortus.*

*Tibi mors paramur*

*Sis licet segnis, properamus ipsi.*

*Nec; tu spernis.*

*Mam magnos paruosq; feris: nam fortibus aquas*

*Imbelles, populisq; Duces seniumq; iuuentæ.*

Omnes ibimus, præiuit ecce nobis noster Pretficius  
longiori vitâ dignus. Sed enim ita nihil hîc summum  
diu consistit; & qui humanū fastigium excessere ani-  
mi, vti cœlo proximi, ita citò ad illam beatitudinis  
ædem, & lubenter transeunt. Transiit Pretficius; sed  
etiam nostrum dolorem atq; luctum iubet transire,  
quia à letho lætari, vt speramus & piè vouemus, cœ-  
pit. Faciamus quod ille optat: id est virtutem eius  
imitemur: memoriam colamus; & calidè atq; can-  
didè si egeat iuuemus; simulq; nos simili accingamus  
itineri, vt cùm Deus arbiter vitæ necisq; euo-  
cauerit læti sequamur.

*Scripti & planxi.*



# Epithaphium eidem.

Viator

Quisquis es vide

Rerum humanarum casum, & occasum  
mirare.

**JACOBVS PRETFICIVS** à Gawrony, hæ-  
res in Sarawca, Palatinus Podoliæ,  
Capitaneus Trebowlen. &c.  
hîc quiescit.

Gente nobilissimus, opibus plurimus, famâ optimus,  
animo præstantissimus; sed etiam

Stirpe,

Virtute,

Eruditione,

Dignitate,

Maximus & Clarissimus

Talis & tantus,

Heu hîc quiescit.

Libertatis amator, & Patriæ. à primâ

iuventâ magnus in armis

Externis & civilibus.

Inuidiâ frustra inidente charus suis

Amabilis omnibus vixit,

Et mortuus hîc quiescit.

Tu, vt feliciter quiescat,

Apprecare.

Stanislaus Sulkoŭski

Macenati suo P.



*Epidendrum*

SECRET



JAGELLONIAE

HELLONICAL



Victoria East. Vol.  
Linnæus's Cinnamomum

1775.

Costlyk Capitan Synthesis Prohibita geolandi  
distinctionum per Linnæus gradibus.

Biblioteka Jagiellońska



sidr0013425



